

## **Informacija sa 35. sjednice Odbora Agencije za predškolsko, osnovno i srednje obrazovanje BiH**

Odbor Agencije za predškolsko, osnovno i srednje obrazovanje BiH (u daljem tekstu: Odbor Agencije), je 12. 12. 2022. godine u Mostaru održao svoju 35. redovnu sjednicu.

Nakon usvajanja Zapisnika sa 34. sjednice Odbora Agencije i Izvještaja o realizovanim zaključcima sa iste sjednice, Odbor Agencije je razmatrao i primio na znanje Informaciju o dokumentu *Smjernice za provođenje ishoda učenja u inkluzivnom odgoju/vaspitanju i obrazovanju*.

Odbor je upoznat o aktivnostima na izradi Smjernica i metodologiji rada, a nakon toga prezentovana je i struktura dokumenta. Smjernice se sastoje od sljedećih poglavlja: Uvodna razmatranja: temeljne odrednice inkluzivnosti u obrazovanju, Uloga učesnika vaspitno/odgojno-obrazovnog procesa i vrsta podrške; Planiranje temeljeno na vaspitno/odgojno-obrazovnim ishodima i kurikularno/konstruktivno poravnanje; Pedagoško-didaktičke osnove u radu sa učenicima; Vrste prilagođenosti u procesu ostvarivanja ishoda učenja; Vrednovanje temeljeno na vaspitno/odgojno-obrazovnim ishodima; Primjeri konstruktivnog poravnanja za različite nastavne predmete i karakteristike učenika (razredna nastava - OŠ, predmetna nastava - OŠ, gimnazija); Zaključna razmatranja: koraci u izradi individualizovanog programa i Pojmovnik.

Odbor je izrazio zadovoljstvo i pohvalio predstavljeni dokument, naglasivši da je, u cilju poboljšanja kvaliteta vaspitanja i obrazovanja u BiH, posebno važno djelovanje Agencije na području inkluzije, s obzirom na osjetljivost i težinu rada u ovom polju obrazovanja. Budući da se neke od najvećih nejasnoća vaspitno - obrazovnog procesa vežu upravo za područje inkluzije, članovi Odbora su istakli da će predstavljeni dokument dati odgovor na pitanje uključivanja inkluzivnog obrazovanja u kurikularne reforme.

Odbor Agencije je svoj rad provodio u skladu sa svojim nadležnostima iz Zakona o Agenciji za predškolsko, osnovno i srednje obrazovanje („Službeni glasnik BiH“, broj 88/07).

Mostar, 12. 12. 2021. godine

**Odbor Agencije**